

八旗通志初集卷之一百四十一

名臣列傳一

鑲黃旗滿洲世職大臣一

費英東札爾固齊 索海

多頗羅

吳賴子喇哈
兄子霸賽 顧德 喀賽

衛齊

趙布泰

鰲拜巴圖魯

達福

穆理瑪

子諾莫
蘇爾馬

[illegible]

費英東札爾固齊滿洲鑲黃旗人。姓瓜爾佳氏。
父索爾果爲蘇完部長。

太祖高皇帝戊子年。從其父率所部軍民五百戶來歸。
太祖嘉之。授一等大臣。以

皇長子褚英台吉女妻焉。允秦巴顏者。費英東札
爾固齊女兄之夫也。有逆志。

太祖命費英東札爾固齊擒而誅之。戊戌年。從征瓦爾
喀國。取噶家路。殺其部長阿邱。悉收降人以歸。
又往征瓦爾喀。安褚拉庫路。同褚英台吉等。取
屯寨二十餘處。所屬村落。悉招降之。復同舒爾

哈齊貝勒等遷瓦爾喀蜚悠城戶口盡收其環
城屯寨令扈爾漢轄護五百戶先歸值烏喇國
布占泰貝勒發兵萬人邀諸路兩軍搏戰相持
未決費英東札爾固齊與諸貝勒帥兵繼至大
敗之是年伐明取撫順明兵來援費英東札爾
固齊督兵進戰所乘馬聞火礮驚逸諸軍不前
費英東札爾固齊回馬大呼麾衆直入於是諸
軍並進大破之

太祖見之曰此萬人敵也丁未年討東海渥集部同卓
立克圖貝勒等取赫席黑俄漠惠蘇魯佛納赫

拖克索三路。俘二千人而歸。辛亥年。復同阿巴泰台吉等。征渥集部之烏爾古宸木倫二路。取之。癸丑年。從

太祖征烏喇。與諸貝勒大臣力戰。殲敵過半。我師乘勝奪門。遂拔其城。天命四年。明兵四路來侵。一軍據撒爾湖山巔。率本旗兵進擊破之。八月。大兵攻葉赫城。費英東札爾固齊攻其西面。守陴者投石飛火。不容相逼。

太祖命之退。費英東札爾固齊不肯退。曰。我軍已薄城下矣。復

命之退。曰。勢已垂克。必不退也。遂攻墮其城。費英東自

少從

太祖征討諸國。三十餘年。每身先士卒。摧鋒陷敵。戰必勝。攻必克。屢奏膚功。授一等總兵官。世職。世襲罔替。五年三月丙戌。以左翼固山額真總兵官一等大臣卒於位。年五十七。費英東札爾圖。齊爲人忠直。見國事稍有闕失。輒毅然強諫。畢智殫力克。輸勇畧。以佐成

帝業。疾革時。天色明朗。日向西。忽片雲頓起。如鼓聲鏗鎬。雷電雨雹驟至。不移時而霽。遂卒。

太祖欲親臨其喪。左右皆諫。

太祖以爲心膂共事之臣。決意往臨。痛哭者久之。後因祭青巴圖魯貝勒。復臨其墓哭奠焉。

太宗文皇帝卽位。追封直義公。配享

太廟。崇德七年。

太宗特諭羣臣云。費英東札爾固齊。見人不善。必先自斥責而後劾之。見人之善。必先自獎勸而後舉之。其所奏善惡。被劾者亦無怨言。被舉者亦無驕色。朕未聞爾等諸臣以善惡直奏似斯人也。順治十六年正

月。

世宗章皇帝諭吏部曰。

太祖朝功臣費英東。叅贊廟謨。恢擴疆土。戰績獨偉。爲
開創佐命第一功臣。已經配享。

太廟。其後人止世襲精奇尼哈番。未稱其功。朕追念勲
勞。欲加陞其延世之爵。爾部卽酌議來奏。尋吏部議
覆。應將其孫倭何所襲一等精奇尼哈番。特陞
爲三等公。

報可。康熙三十七年。

聖祖仁皇帝恭謁

陵寢。至。

盛京追念舊勲。

親奠墓次。復遣官致祭云。維爾姿兼忠鯁。才裕韜鈴。輔翼開基。鴻勲懋著。朕六御東巡。駕言蒞止。追維往績。親酌几筵。復遣專官。用頒祭醑。三十九年。復

御書碑文勒石紀功云。朕惟我國家創建丕基。開無疆之景運。旣篤生

神聖英武之君。以剪除逆亂。啓闢疆宇。戡定諸邦。一統之烈。肇於東土。其實則有一德一心之佐。殫忠戮力。經營四方。以翊鴻猷而成大業。蓋

天寶挺生異材。鍾山嶽之靈。挾風霜之氣。貞誠不二。毅

勇無倫。名高百戰之勲。位超五等之爵。垂聲竹帛。配食

廟廷。以與我國家共承休祉。子孫世衍其澤。是豈偶然者哉。當我

列祖之龍興也。一時人材蔚起。猛士如雲。戰將如雨。以藝勇稱。以功名顯者。不可勝數。而功冠諸臣。爲一代元勲。則開國佐運直義公費英東尤爲傑出焉。朕嘗恭覽

列祖實錄。考直義公行事。折衝行間。則戰必勝。攻必克。平居則矢忠直。贊謀畫。豐功偉績。至今焜耀簡編。未

嘗不緬懷英風。興念往績。昔人創建艱難。枕戈擐甲。櫛風沐雨之勞。恒流連往復。不能去於懷也。歲在戊寅。朕巡行舊京。展祀

寢。追維

祖宗功德隆盛。并及當時佐命之臣。邱隴所在。皆遣官致祭。而於直義公之墓。特親至奠醑。以示優崇。仍復專官祭享。蓋功在社稷。古人爰有明禋之典。朕篤念勛庸。用伸異數。并爲文勒諸貞石。以昭示於無極云。雍正九年。如其封號爲信勇公。子十人。索海。圖賴。最知名。查喀尼。仕至內大臣。

索海。費英東札爾固齊之第六子也。初襲父三等總兵官世職。與第七弟圖賴俱以善戰名。屢立功績。尋緣事革退。所襲世職。旋以從征錦州。大凌河。北京。黑龍江。松山等處。敗敵七次。攻取二城。因特授二等甲喇章京世職。崇德元年。初設六部。任刑部承政。圖賴與兄納海。弟蘇完顏俱改隸正黃旗。圖賴今列入正黃旗。

欽定功臣傳。

多頗羅。索海之子也。亦有功戎行。初任牛录章京。順治元年。從入山海關。擊流賊。同甲喇章京。

敖德步戰敗之。又追流賊至慶都縣。又同敖德
大殲其衆。以功授牛叅章京世職。七年九年。三
遇

恩詔。加至二等阿達哈哈番。又因追敘伊祖之功。加爲
一等阿達哈哈番。仕至梅勒章京陣亡。

吳賴費英東札爾固齊第五弟吳爾漢之子也。
初從大兵征明大凌河。天聰元年。復從大兵征
朝鮮。俱有功。崇德三年。從揚威大將軍貝勒岳
託。征明至山東。擊馮太監兵敗之。遇侯總兵軍
復敗之。尋往守董家口汛地。有敵人步兵千餘。

沿山布列。同準塔巴圖魯進戰。追至敵營。又三屯營地方。有我兵輜重起行。明總兵率馬步三千餘。從旁衝奪。吳賴同準塔巴圖魯率兩固山章京擊却其衆。遂往畧地。克取二城。四年敘功。授牛策章京世職。五年。隨睿親王多爾袞。征明圍錦州。刈取錦州田禾。錦州城中兵出爭。吳賴率本固山兵擊之。追至城濠。又率本固山兵擊敗松山步兵。八年。從奉命大將軍貝勒阿巴泰。征明。至渾河搭橋。有范軍門率馬步兵千餘來拒。同內爾特敗之。過密雲城。有馬步敵兵三千。

餘列火礮截路。吳賴同鰲拜巴圖魯擊敗之。大
兵出邊。有趙軍門率馬步兵來犯。鑲藍旗所守
邊口。吳賴率本固山兵擊敗其衆。又有吳總兵
范軍門等以馬步兵來追。仍擊敗之。旋往畧地。
克取一城。是年十月敘功。由牛条章京世職加
半個前程。順治元年。隨睿親王多爾袞入山海
關。擊敗流賊。十一月。從靖遠大將軍英親王阿
濟格征四川。凡敗敵十五次。克取三城。二年敘
功。加授世職爲二等甲喇章京。七年九年。三遇

恩詔。加至二等阿思哈尼哈番。累官至固山額真。子喇

哈顧德等有傳。第四子綽爾門襲父世職二等
阿思哈尼哈番。官至鑾儀衛冠軍使。以忠勤稱。
喇哈吳賴第二子。康熙十三年。以副都統從征
逆藩耿精忠。至浙江。有龔姓僞都督率三千餘
賊。伏於江華寨地方。斷路。喇哈率官兵擊敗之。
奮勇進戰。四敗賊兵。至孝順街。有賊設立鹿角
拒敵。復擊敗之。賊僞將軍楊祿等率三千餘賊。
於尖山浮橋放火拒敵。喇哈指揮我兵。擊敗其
衆。賊又於河岸拒敵。復敗之。至金華府義烏縣。
有僞王總兵等率三千餘賊。在山坑嶺兩邊山

坡。設立鹿角挨牌拒敵。復指揮我兵擊敗之。又同都統賴塔敗僞千總何金等。於石梁地方。進至鄭甸山口。敗賊三千餘。鄭甸河北岸。有僞先鋒葉濟。同僞總兵朱老四等。率五千餘賊拒敵。遣官兵擊敗之。又敗僞都督陳忠等七千餘賊。至處州。敗僞葉總兵。僞副將馬四等。於林善村。又僞都督周烈。僞總兵桑明等。於衢州蕉園河。岸屯兵二萬餘。喇哈隨平南將軍賴塔敗之。又敗賊於洪橋。僞將軍馬九王者。耿逆之驍將也。總統五萬餘賊。在九溪遷木山札營。遣僞總兵